

三經同卷

景七

佛說大乘流轉諸有經

佛說大意經

受持七佛名号所生功德經

佛說大乘流轉諸有經

大唐三藏法師

義淨本

制譯

如是我聞一時薄伽梵在王舍城羯闍闍迦池竹林園中與大苾芻衆千二百五十人俱并大菩薩摩訶薩無量百千人天大衆一心恭敬圍遶而住尔時世尊爲說自證微妙之法所謂初中後善文義巧妙純一圓滿清淨鮮白梵行之相尔時摩揭陀主影勝大王往竹林中礼世尊足右遶三匝在一面坐時影勝王白佛言世尊云何有情先所造業久已滅壞臨命終時皆悉現前又復諸法體悉空無所造業報而不散失惟願世尊哀愍爲我分別解說

尔時世尊告影勝王曰大王當知譬如男子

於眠夢中見與人間竭正美女共爲網罟既眠覺已憶彼夢中所見美女大王於意云何於眠夢中人間美女是實有不王言非有世尊告曰大王於意云何此之男子於彼夢中所見美女心生憶念戀慕不捨可說此人是

大博識明智者不王言不尔此是愚人非明智者何以故由彼夢中人間美女畢竟體空不可得故豈能與彼而所網罟令此男子情懷愛戀生憶念耶

佛言大王如是愚癡無識凡人眼見色時心生喜樂便起執着起執着已隨生顧戀生顧戀已情懷染愛起染愛故隨貪瞋癡發身語意造作諸業然此諸業作已滅壞此滅壞時曾不依止東方而住亦不依止南方北方四維上下至命終時意識將滅所作之業皆悉現前譬如男子從睡覺已憶彼夢中所見美女影像皆現如是大王前識滅已後識生時或生人中或生天上或隨傍生餓鬼地獄大

王後識生時無間生起彼同類心相續流轉
 分明領受所感異熟大王曾無有法能從此
 世轉至後世然有死生業果可得大王當知
 前識滅時名之為死後識支起号之為生大
 王前識滅時無有去處後識支起無所從來
 所以者何本性空故大王前識前識性空死

系

二

死性空業業性空後識後識性空生生性空
 而彼業果曾不散失大王如是應知一切有
 情皆由愚惑不知非有忘起顧戀輪迴生死
 尔時世尊欲重宣此義說伽他曰

諸法唯假名 但依名字立 離於能詮語
 所詮不可得 皆以別別名 詮彼重重法
 於名法非有 是諸法自性 由名名性空
 於名名不有 諸法名本無 妄以名詮名
 諸法皆虛妄 但從分別生 此分別亦空
 於空妄分別 我說諸世間 以眼見於色
 皆由邪計想 是名為俗諦 我說一切法
 皆由藉緣生 是名近勝義 智者當觀察

眼不見於色 意亦不知法 是名勝義諦
 愚者不能知
 尔時世尊說此法已摩揭陀主影勝大王深
 心頂受時諸苾芻及大菩薩人天等眾皆大
 歡喜信受奉行

佛說大意經

宋夫三藏東那跋陀羅

譯

聞如是一時佛在舍衛國祇樹給孤獨園與
 千二百五十比丘俱佛告諸比丘昔有國名
 歡樂無憂王号曰廣慈哀國有居士名摩訶
 檀妻名旃陀生一子姿容端正世間少雙隨

三

地便語便誓願言我當布施天下救濟人民
 其有孤獨貧窮者我當給護令得安隱父母
 因名為大意見其有異姿不與人同恐是天
 龍鬼神欲行卜問大意知之便報言我自是
 人非天龍鬼神也但念天下人民窮厄者欲
 護視之耳說此竟便止不復語至年十七乃